

刑案匯覽

刑案匯覽卷三十六

目錄

威逼人致死

穢語辱罵致人夫妻自盡二命

污言戲謔致人夫妻自盡二命

穢言污衊致人母女自盡四命

竊匪被毆穢罵事主自盡二命

護弟穢冒致人姑嫂自盡二命

憎嫌子媳挾勢窘辱逼斃二命

穢言譏誚致人父子自盡二命

被拉索賠追趕船隻溺斃二命

拉牛抵欠致人自盡二命

一言污讟父女自盡母亦戕生

索欠逞兇逼斃一家四命

疑竊嚇逼致斃一家三命

誣姦訛詐毆逼姦婦自盡二命

和姦敗露姦婦羞忿自盡二命

和姦敗露姦婦本夫自盡二命

和姦敗露致釀三命

和姦自盡二命一成姦一未成

尙未成姦被人撞破姦婦自盡

雞姦敗露被姦之人自盡

刁姦犯姦之婦窘辱致斃三命

妒姦吵鬧致姦婦忿迫自盡

妒姦毆傷姦婦自盡

妒姦將姦夫喊罵致姦婦自盡

姦夫毆傷姦婦自盡

姦婦自盡有兩姦夫分別徒杖

娼婦懷孕商謀姦夫打胎身死

姦夫姦婦商謀同死

商謀同死姦婦毒斃姦夫成篤

商謀同死姦夫並無受毒確據

商謀同死姦婦殞命姦夫傷痊

竊賊遺火燒斃事主定例

圖財哄脫幼孩衣服致令凍死

賊犯之兄反誣嚇逼事主自盡

賊犯拒傷事主致令傷痛自盡

與事主妻父吵鬧事主妻自盡

賊因賠贓挾嫌兇器毆人自盡

不干已事強取人衣致令自盡

尊長爲人殺私和

兇犯之妻行賄屍叔得錢私和

屍親受賄私和准枉法贓減科

賄和准枉法贓無祿人應遞減

放出奴婢被殺家長說合賄和

胞叔被兄毆死聽從埋屍匿報

弟違犯致父自盡兄聽從匿報

子被殺父賄和次子告官申雪

父被胞弟謀死犯兄畏累不報

子殺父而母容隱

犯母溺愛致子殺父尤復不報

因子肇釁釀命其母賄求匿供

夫被伊姊毆斃袒姊捏供調戲

夫被殺妻受賄私和復行首告

尊長被人謀殺卑幼聽從埋屍

事主毆死竊賊屍親私和

地保賄和人命捏報浮屍

因私和而屍遭蒸檢毋庸加重

同行知有謀害

知人欲殺小功堂兄並不阻止

地保知人殺人逃走畏責不報

刑案匯覽卷三十六目錄終

刑案匯覽卷三十六

威逼人致死

穢語辱罵致人
夫妻自盡二命

川督 題李潮敦因與章王氏口角穢語村辱致氏
與夫章有富先後自盡一案此案章王氏至李潮敦
地內尋割豬草李潮敦瞥見慮其踏壞糧食阻勿尋
割章王氏不依李潮敦理說章王氏卽向爭鬧李潮
敦氣忿卽以貪圖便宜不如回去賣娼之語向其村
辱章王氏聽聞哭泣回家氣忿自縊身死伊夫章有
富查知痛妻憂忿亦卽自縊殞命將李潮敦擬軍章

王氏請

旌等因嘉慶二十年三月二十五日奉

旨刑部具題四川民人李潮敦比照因事威逼人致死一家二命例擬發近邊充軍一本朕詳加酌核章有富之妻章王氏向李潮敦地內尋割豬草彼此爭鬧李潮敦以穢言向辱章王氏哭泣回家氣忿自縊伊夫章有富痛妻憂忿旋亦投繯此案李潮敦穢語村辱致章王氏氣忿輕生按例罪止滿流惟章有富自盡亦由痛妻所致是因該犯一言伊夫婦二人先後殞命其情罪較重

汚言戲謔致人
大妻自盡二命

該部比照威逼人致死一家二命例問擬充軍所擬尙
輕李潮敦著照手足勾引例改爲絞監候歸入秋審緩
決嗣後有情節相同之案俱照此辦理著刑部載入則
例遵行餘依議欽此

已纂例

蘇撫題姜惠行向王紹紳汚語戲謔致王紹紳同

妻王陸氏自縊身死一案緣姜惠行籍隸武進縣陸

綱璠之女王陸氏未曾出嫁時跟隨姑母姜陸氏學

習針線與姜陸氏之夫姜惠行見面不避嘉慶十八

年七月十二日姜惠行見王陸氏少艾起意圖姦向

王陸氏調戲未允十三日又進王陸氏房內調戲王
陸氏欲行聲喊姜惠行走出向姜陸氏告知囑令勸
誘許送衣飾姜陸氏先未應允姜惠行向其嚇逼姜
陸氏畏懼向說王陸氏仍不允從姜惠行以後不敢
再與戲謔嗣王陸氏許配王紹紳爲妻遣嫁時姜惠
行在彼照料憶及從前調姦王陸氏不允順手將新
房被枕油污二十三年七月十三日陸幃璠患病王
紹紳前往探視每夜借住姜惠行家十八日王紹紳
回家挈妻陸氏往探是夜王紹紳卽在陸幃璠家住

宿十九日晚姜惠行邀高文煥王紹紳飲酒姜惠行因王紹紳不到伊家住宿酒後向王紹紳戲言其妻大家有分時高文煥在外出恭聽未清楚誤會合送

壽禮隨口卽稱二升三之常州歇後市語王紹紳斥

其不應從旁助謗高文煥詢明剖辯王紹紳生氣走

回次日王紹紳向姜惠行理論彼此爭鬧袁繼德解

勸王紹紳斥其幫護袁繼德生氣聲言欲將王紹紳

毆打經陸幗璋勸散詎王紹紳王陸氏因被汚言忿

激卽於八月初一日各寫遺札一同投繯殞命將姜

惠行比例擬絞監候等因具題經

臣

部查例載村野

愚民本無圖姦之心又無挾制窘辱情狀不過出語

褻狎本婦一聞穢語卽便輕生者杖一百流三千里

等語又嘉慶二十年四川省李潮敦穢言詈罵致章

王氏夫妻自盡一案審照威逼人致死一家二命例

擬軍特奉

諭旨改爲絞監候入於秋審緩決經

臣

部載入例冊通行

在案詳核穢語釀命擬流例文必辨明並無圖姦之

心者所以別於但經調戲致其夫及本婦羞忿自盡

擬絞之例必辨明又無挾制窘辱情狀者所以別於
因姦威逼人致死擬斬之例是辦理語言釀命案件
全在分別有無圖姦之心及挾制窘辱情狀以定罪

名至三命尤重於一命不容稍涉遷就致有枉縱此

案姜惠行因伊妻陸氏之姪女王陸氏未出嫁時跟
隨陸氏學做針線姜惠行見其少艾兩次調戲圖姦
不從復央陸氏以衣飾勸誘王陸氏從姦陸氏不允
因被該犯嚇逼畏懼向王陸氏勸說王陸氏仍不允
從迨王陸氏出嫁與王紹紳爲妻時該犯在彼照料

憶及調戲不從之嫌將王陸氏新房枕被油污嘉慶二十三年七月十三日王紹紳因妻父陸幗璠有病前往探視每夜住宿該犯家中十八日王紹紳又挈妻探病卽在陸幗璠家住次日姜惠行邀王紹紳及高文煥飲酒因王紹紳不到伊家住宿戲言伊妻大家有分適高文煥出席走動聽未清楚誤以爲合送壽禮隨口接說不過二升三之常州歇後語王紹紳不依高文煥當向剖辯王紹紳生氣走回次日往向姜惠行理論致相爭鬧姜惠行之壻袁繼德勸解